

S'goht ällamol a Diarle auf

I hau a blaues Kittele,
mit goldene Knepfle dra
ond wenn mirs mol zom Heila isch,
ziah i des Jäckle a.

Mei Jomberle hot sieba Knepf,
i hau nen Nama gää,
wenn i ganz arg verzweifelt bee,
fang i a Knepf zom dräha.

Dr overscht Knopf der hoißt: Worum
dr nägscht, Nämms net so schwer
am erschta dreh i wenig romm,
dr zwoit hält efters her.

Dr Dritt der hoißt: Laß de net gau
ond Nommer Vier: Schlucks na
wia oft i an der Vier dreht hau,
dräh schier dr Fada a.

Dr fufte Knopf der hoißt: Du schaffschs
dr segst, Geduld, Vertraua hau,
dia Knepf dia werkle schiergar flach
dia send ganz agnitzt schau.

S'goht ällamol a Dirle auf,
so hoißt dr onderscht Knopf
wia oft hau i dia Fäda schau
adräht vom Kuglkopf.

S'goht ällamol a Diarle auf,
i glaub halt oifach dra,
ond zwirble efters d Fäda a,
no näh i s wieder no.

